



## *PEPA O FAAMATALAGA*

### *Faletupe Tutotonu o Samoa*

# **Fa'aeteete i Gaoioiga a le OneCoin, lapata'iga a le Faletupe Tutotonu o Samoa**

(25 Aperila 2019)

Na taulimaina lata mai nei e le Faletupe Tutotonu e tauala mai i lana Vaega e Fa'amaumauina Fa'amatalaga Tau Tupe e Masalomia (FIU) se ripoti lē fuafuaina mai le Vaega e Fa'amaumauina Fa'amatalaga Tau Tupe Masalomia a le Malo o Niu Sila (NZ, FIU) e fa'atatau i gaoioiga a le OneCoin. E 124 itulau o lenei ripoti ma o nisi nei o vaega autū o lo o fa'amauina ai:

1. O le OneCoin ua fa'amatalaina o se "Faiga Taufu'asese ini auala e Maua Vave ai se Tupe Tele" (Hybrid Ponzi-Pyramid Scheme) ona o nei faiga taufa'asese e aofia ai se vaega o ituaiga o faiga taufa'asese lea e fa'aigoa o le - Ponzi Scheme ma le Pyramid Scheme.
2. Talu mai le fa'asāina e le Faletupe Tutotonu o Samoa o gaoioiga uma tau OneCoin ia Me 2018, o lea ua fausia ai le manatu o le Vaega e Fa'amaumauina Fa'amatalaga Tau Tupe e Masalomia a Niu Sila (NZFIU), o i tonu la lea ua tuleia le fa'afitauli tau tupe i totonu o Niu Sila. Ona o lea ua 'alo'ese mai le OneCoin mai faiga tau tupe a Samoa (ona o le tatou polokaina o gaoioiga a le OneCoin mai Fa'alapotpotoga Tau Tupe uma i le tausaga ua mavae, 2018), ae o lea ua filifili e fa'aaoga Faiga Tau Tupe a Niu Sila e fa'atino ai a latou pisinisi ma le felafoga o tupe.
3. E \$3.5 miliona tala Niu Sila lea ua taua e le NZFIU ua aveesea mai i totonu o Niu Sila.

4. O tagata autū lava a le OneCoin o Ekalesia. E 2 Ekalesia tetele lava lea e fa'aaoga i gaoioiga a le OneCoin. O nei Ekalesia e 2, e ui e fa'avae mai i Samoa, ae iai a latou lālā i Niu Sila ma Ausetalia, ma o i lea ua a'afia ai *tagata mai le Pasefika* o lo o aumau i totonu o Niu Sila. O le mafuaaga lea ua manatu ai le NZFIU e leai se aogā e a'oa'oina ai le lautele i le fa'afitauli lenei ona o lea e tausolomua i Faifeau o Ekalesia ona faia o fa'alauiloa, ma e talitonuina ma maufaatuatuaina foi i latou e tagata pe a o atu ma faia nei fa'alauiloa, o lea la e mulimuli foi iai ma tagata o a latou ekalesia.
5. E iai tagata Samoa o lo o aafia i le ripoti, ma sa latou faia gaoioiga e fa'aaoga ai faletupe a le o Samoa nei, Ausetalia po'o Niu Sila foi. O nei tagata o lo o iai i le tulaga va'avaaia ma aga'i iai su'esuega i le taimi nei. O le solitulafono o tupe taufa'asese o lea ua 15 tausaga i le falepuipui lona fa'asalaga i le taimi nei, po'o le sala tupe e \$1 le miliona tala, po'o le amo uma foi o fa'asalaga e lua.
6. E iai foi nisi o Pisinisi Lafo Tupe ("MTOs") o lo o aafia ai, ae matou te le fa'aילוaina i le taimi nei. Peitai, o le a mataitu lelei lava ma vaavaai pe faamata e ono faia iai nisi gaoioiga e tusa ai ma le ripoti auiliili mai le NZFIU, lea ua avea ma fa'amaoniga o fa'amatalaga ua matou umiaina.
7. O Tusi Tupe a ekalesia le isi auala o lo'o ono fa'aaoga mo le felafoga o tupe, e pei o le Worship Centre ma le SISDAC i Samoa nei, Niu Sila ma Ausetalia. E foliga mai ua le talafeagai ona toe maufaatuatuaina nei tusi tupe.

### **Fautuaga i le Mamalu o le Atunuu**

1. So'o se tagata po'o se fa'alapotopotoga po'o se Itutino e faia ni folasaga, a'oaoga po'o ni gaoioiga e fa'ataua i teugatupe i tupe fai mai i masini komepiuta po'o tupe initaneti (cryptocurrency/investment) e aunoa ma se fa'amaoniga a le Faletupe Tutotonu, ua solia le tulafono ma e noatia i le fa'amasinoga o soligatulafono ma fa'asalaina i le sala tupe po'o le fa'asalaga faa-falepuipui.
2. So'o se faletimalo po'o faalapotopotoga e talimalo i so'o se a'oa'oga e faatatau i teugatupe ma gaoioiga tau cryptocurrency poo tupe initaneti e aunoa ma se fa'amaoniga a le Faletupe Tutotonu, o le a noatia o se tasi o itu i so'o se tualumaga faa-fa'amasinoga e pei ona fa'ataoto mai i le parakalafa 5 o lo o i luga.
3. Ia faaaauau ona mataala i so'o se faiga e maua vave ai tupe. Mo se faataitaiga, a saunoa mai se tagata e avatu lau \$1,000 e faa-fanau mai se \$10,000 i le tolu masina poo ni nai masina foi, ua tataua ona tatou masalosalo. E faapefea ona fanau faa sefulu mai le \$1,000? E iai ni pisinisi faapenei i lalo o le lā? O le a sa'o le pisinisi? E maufaatuatuaina le pisinisi? Ua faatagaina e le Faletupe Tutotonu

o Samoa nei ituaiga pisinisi? O nai fesili laiti ia e mafai lava ona 'oto'oto lava e nai o tatou tagata nuu, ina ia puipuia mai ai i le ono leiloloa o a latou tupe po'o seleni. E tãua lava le maua o le utaga mamao ina ia 'alofia ai se mala.

4. Fa'amolemole fa'afeso'otai mai le Vaega e Fa'amaumauina Fa'amatalaga Tau Tupe e Masalomia (FIU) a le Faletupe Tutotonu o Samoa i numera telefoni 34-121 po'o le 34-194 mo nisi fa'amatalaga e fa'atatau i lenei mataupu.